

REGLUGERÐ

um kosningu af hálfu útvarpsnotenda í útvarpsráð.

Samkvæmt heimild í 4. gr. laga nr. 68 frá 28. des. 1934, um útvarpsrekstur ríkisins, er hér með sett eftirfarandi reglugerð:

I. KAFLI

Almenn ákvæði.

1. gr.

Útvarpsráð skipa sjö menn. Skulu þrír þeirra og þrír til vara kosnir hlutfallskosningu á Alþingi til fjögurra ár í senn og þrír og þrír til vara sömuleiðis kosnir hlutfallskosningu meðal allra þeirra, sem útvarpsnotendur teljast og greitt hafa lögmælt gjöld til ríkisútvarpsins, sbr. og 14. gr.

Kennslumálaráðherra skipar sjöunda mann í útvarpsráð og er hann formaður þess.

2. gr.

Þegar eftir að kosning í útvarpsráð hefir farið fram á Alþingi, felur kennslumálaráðuneytið skrifstofu ríkisútvarpsins að annast um, að fram fari kosning af hálfu útvarpsnotenda samkvæmt því, sem ákveðið er í reglugerð þessari.

Útvarpsstjóri hefir yfirumsjón með kosningunni og er formaður kjörstjórnar. Auk hans skipa kjörstjórn tveir menn, sem kennslumálaráðherra tilnefnir. Skal kosningu lokið þegar þrír mánuðir eru liðnir frá því er kosning í útvarpsráð fór fram á Alþingi.

3. gr.

Kostnaður, sem leiðir af kosningunni, greiðist af starfsfé ríkisútvarpsins eftir reikningi, sem kennslumálaráðherra samþykkir.

II. KAFLI

Kjörlistar og framboðsfrestur.

4. gr.

Heimilt er félögum útvarpsnotenda og einstökum útvarpsnotendum að bera fram kjörlista. Skulu á hverjum lista vera nöfn sex manna þeirra, er kjörgengir eru og fylgi hverjum lista meðmæli að minnsta kosti 200 útvarpsnotenda. Ennfremur fylgi kjörlistum yfirlýsing þeirra manna, sem boðnir eru fram til kjörs, um að framboðið sé með þeirra samþykki.

Umboðsmenn kjörlista eru frambjóðendur listans og þeir, sem til þess hljóta
vottfast umboð frambjóðanda. **3**

15. jan.

5. gr.

Kjörgengur er hver sá útvarpsnotandi, sem greitt hefir lögmælt gjöld til ríkisútvarpsins, er ekki fastráðinn starfsmaður þess og er búsettur í Reykjavík eða svo nálægt Reykjavík, að hann geti tekið þátt í störfum útvarpsráðs.

6. gr.

Þrír efstu menn á kjörlista teljast 1., 2. og 3. aðalmaður listans, en þrír hinir næstu teljast 1., 2. og 3. varamaður hans þannig, að 4. maður er varamaður 1. manns, 5. maður varamaður 2. manns og 6. maður varamaður 3. manns.

7. gr.

Þegar eftir að kennslumálaráðuneytið hefir falið skrifstofu ríkisútvarpsins að láta fara fram kosningu af hálfu útvarpsnotenda, gefur kjörstjórn út auglýsingu um kosninguna. Skal hún birt í Lögbirtingablaðinu, í útvarpinu og í viðlesnum blöðum.

8. gr.

Kjörlistum samkvæmt 4. gr. skal skilað eigi síðar en 14 dögum eftir að auglýsing um kosninguna hefir verið gefin út. Skal í auglýsingunni ákveðið um stað og stund, þegar afhending listanna á að fara fram í síðasta lagi. Formaður kjörstjórnar gefur út kvittun fyrir hverjum kjörlista samstundis og hann er afhentur. Skal á kvittuninni tilgreina nákvæmlega hvenær afhending fer fram. Kjörlistar hljóta listabókstafina A., B., C., D. o. s. frv. í þeirri röð, sem þeir koma fram. Skal á kvittun greina hvaða bókstaf listinn hlýtur.

9. gr.

Nú hefir að loknum framboðsfresti komið fram aðeins einn kjörlisti með jafnmörgum og kjósa á og ferst kosning þá fyrir, en kjörstjórn, að viðstöddum umboðsmönnum listans, úrskurðar hina framboðnu menn rétt kjörna í útvarpsráð af hálfu útvarpsnotenda.

Fer þá um afgreiðslu á úrskurði kjörstjórnar til ráðuneytisins eftir því, sem fyrir er mælt í 35. gr.

Nú koma ekki fram við kosningu í útvarpsráð af hálfu útvarpsnotenda neinir kjörlistar og ferst kosning þá fyrir. Skipar þá kennslumálaráðherra þrjá menn í útvarpsráð af hálfu útvarpsnotenda til næstu fjögurra ára og þrjá til vara.

III. KAFLI

Kjörstaðir og kjörfrestur.

10. gr.

Forstöðumenn pósthúsa landsins (póstafgreiðslumenn og bréfhirðingar-menn) skulu annast um atkvæðagreiðslu utan Reykjavíkur og eru kjörstjórar, hver í sínu umdæmi, eftir þar um settum reglum, samkv. 17. til 20. gr. Fer atkvæðagreiðslan fram í afgangslustofum pósthússins og undir umsjá póstmanna.

Kennslumálaráðherra ákveður, að fengnum tillögum útvarpsstjóra, forstöðumönnum pósthúsa þóknun fyrir starfið og skal hún reiknast í hlutfalli við tölu þeirra, er kosningarrétt hafa í umdæmi hvers um sig.

11. gr.

Í Reykjavík fer atkvæðagreiðsla fram í sérstakri kjörstofu undir umsjón kjörstjóra, sem kjörstjórn skipar. Fer atkvæðagreiðsla þar að öllu leyti fram eins og fyrir er mælt um kosningar á öðrum kjörstöðum.

12. gr.

Útvarpsnotendum skal veittur kjörfrestur allt að þrem vikum. Þó skal kosningu ávallt lokið þegar þrír mánuðir eru liðnir frá því, er kosning í útvarpsráð fór fram á Alþingi.

IV. KAFLI

Kjörgögn og afgangsla kjörgagna.

13. gr.

Þegar hinn auglýsti framboðsfrestur, samkv. 8. gr., er liðinn og kjörlistar hafa borizt kjörstjórn, annast hún þegar um undirbúning kjörgagna. Kjörgögn eru þau, sem hér greinir:

1. **Kjörseðill.** Á hann eru prentaðir kjörlistar þeir, er borizt hafa, merktir bókstöfunum A, B, C, D, o. s. frv., samkv. 8. gr. Kjörseðill skal vera samantrotinn um miðju og límborin rönd á þrjá vegu, þannig gerð að rífa megi af.

2. Umslag kjörseðils. Skál forsiða umslagsins líta þannig út:

3

15. jan.

Útvarpsnotandi:	Kjörseðill. Kosning í útvarpsráð 1935.
..... Eiginhandar undirskrift kjósenda.	
Það vottast, að ofanskráður útvarpsnotandi hefir í dag sjálfráður, í einrúmi og á lögfullan hátt greitt atkvæði hér á póststofunni (kjörstofunni) og gengið sjálfur frá kjörseðli sínum í þessu umslagi að mér ásjaandi.	
Pósthúsið (bréfhirðingin) (Kjörstofan) } 1935.	
Vitundarvottar: (Póst)stimpill og undirskrift kjörstjóra.	

3. Leiðbeiningar um kosninguna. Í leiðbeiningunum skulu vera nákvæm fyrir-mæli um eftirgreind atriði:

- a) Um gæzlu kjörgagna.
- b) Um hversu kosning skuli fara fram, hversu gengið skuli frá kjörgögnum að kosningu lokinni, um skrásetningu greiddra atkvæða og um kvittun kjörstjóra fyrir atkvæðaseðli kjósenda.
- c) Um sendingu kjörgagna í pósti til skrifstofu ríkisútvarpsins í Reykjavík.

Leiðbeiningar þessar skulu sendar á alla kjörstaði og skulu festar upp þar, sem kjósendur eiga hægt með að kynna sér þær.

4. Kvittunareyðublöð þannig útlits:

Útvarpsnotandi:	Kjörseðill. Kosning í útvarpsráð 1935.
Ofanritaður útvarpsnotandi hefir í dag greitt atkvæði hér á póststofunni (kjörstofunni) og afhent mér atkvæði sitt.	
Pósthúsið (bréfhirðingin) (Kjörstofan) } 1935.	
..... (Póst)stimpill og undirskrift kjörstjóra.	

5. Kjörskrá, þ. e. skrá yfir útvarpsnotendur þá, sem atkvæðaseðlar eru sendir.

3

15. jan.

Jafnskjótt sem lokið er prentun kjörgagna annast kjörstjórn um afgreiðslu þeirra á alla kjörstaði í landinu. Skal afgreiðslu þeirra hagað eins og hér segir: Kjörseðlarnir skulu flokkaðir samkv. útvarpsnotendaskrá ríkisútvarpsins þannig, að til hverrar pósthofu, póstafrgreiðslu og bréfhirðingar utan Reykjavíkur séu sendir atkvæðaseðlar allra útvarpsnotenda, er kosningarrétt hafa, í umdæmi hverrar fyrir sig. Jafnframt er nafn og heimilisfang hvers útvarpsnotanda stimplað á hornreit umslagsins og kvittunarinnar. Kosningarrétt hafa þeir, sem skráðir eru útvarpsnotendur við afgreiðslu kjörgagna og greitt hafa lögmælt gjöld til ríkisútvarpsins, sbr. 27. gr.

Heimilt er fulltrúum kjörlista að hafa eftirlit með afgreiðslu kjörgagna.

V. KAFLI

Kosningarathöfn.

15. gr.

Pegar kjörgögnin hafa borizt á kjörstaði, auglýsir kjörstjórn í útvarpinu um kosninguna og um kjörfrest. Skal auglýsingin endurtekin svo oft, sem þurfa þykir og eigi sjaldnar en fimm sinnum.

16. gr.

Útvarpsnotandi, sem óskar að neyta kosningarréttar síns, skal áður en liðinn er auglýstur kjörfrestur gefa sig fram á pósthofu þeirri, póstafrgreiðslu eða bréfhirðingu, sem hefir með höndum pósthil hans og lýsa yfir því fyrir pósthmanni, að hann óski að neyta kosningarréttar síns við kosningu í útvarpsráð.

Nú er útvarpsnotandi fjarverandi frá heimili sínu og byggðarlagi eða sjúkur og lagt er fram læknisvottorð um, að hann komist ekki á kjörstað og getur ekki neytt atkvæðisréttar síns áður en auglýstur kjörfrestur er liðinn, og er honum þá heimilt, með skriflegu, vottföstu umboði eða með staðfestu símskeyti, að fela nánasta vandamanni sínum eða þeim öðrum heimilismanni, er hann treystir, að neyta atkvæðisréttarins fyrir sína hönd. Skrifar hann þá nafn sitt á forsiðu umslagsins og undir það orðin: „Samkvæmt umboði“, enda skal umboðið lagt í umslagið ásamt atkvæðisseðlinum.

Umboð gefið utanheimilismanni er ógilt.

17. gr.

Pósthmaður afhendir þá samstundis kjósandanum kjörseðil í opnu umslagi því, sem ber ástimplað nafn og heimilisfang hans, samkv. 14. gr. Víkur þá kjósandinn afsiðis eða í sérstaka kjörstofu og greiðir atkvæði sitt án þess að nokkur annar geti séð eða orðið áskynja, hvernig atkvæði hans fellur.

18. gr.

Kjósandinn greiðir síðan atkvæði á þann hátt, að hann setur með blýanti

kross $\times$ framan við bókstaf þess lista, sem hann óskar að kjósa. Síðan 3
brýtur hann saman kjörseðilinn á sama hátt og hann var áður brotinn, vætir 15. jan.
hina límbornu rönd og límir saman. Síðan stingur hann atkvæðaseðlinum
þannig samanlímdum í umslagið að póstmanni ásjáandi og ritar loks nafn sitt
framan á umslagið á þar til setta línu. Síðan afhendir hann póstmanni umslagið.

Nú óskar kjósandi aðstoðar vegna sjóndepru eða vegna þess, að hann af öðr-
um ástæðum getur ekki skrifað nafn sitt. Kveður hann þá til þann, sem hann
óskar sér til aðstoðar og handsalar honum umboð til atkvæðagreiðslunnar og
til þess að rita nafn sitt. Skulu þá jafnan kvaddir til vottar og rita þeir aftan á
umslag kjósandans vottorð um, að atkvæðagreiðslan hafi farið fram samkvæmt
fyrirmælum þessarar greinar.

19. gr.

Þegar kjósandinn hefir greitt atkvæði og afhent póstmanni kjörseðilsum-
slag sitt, vottar póstmaðurinn með undirskrift sinni og póststimpli á forsiðu um-
slagsins, ásamt tveimur vitundarvottum, að kosningin hafi farið fram á lög-
fullan hátt.

Jafnframt undirritar hann kvittun þá, sem ber ástimplað nafn kjósandans
og afhendir honum sem viðurkenningu fyrir því, að hann hafi tekið á móti
kjörseðilsumslagi kjósandans.

20. gr.

Þegar lokið er afgreiðslu kjósandans, vottar póstmaður um kosninguna við
nafn hans á kjörskrá, sem um ræðir í 5. tölulið 13. gr.

21. gr.

Umboðsmönnum kjörlista er hvenær og hvar sem kosið er, heimilt að
kynna sér kjörskrár og hafa eftirlit með því að kosningin fari fram, samkvæmt
ákvæðum þessarar reglugerðar.

VI. KAFLI

Varðveizla og skil kjörgagna.

22. gr.

Póstmönnum, sem hafa umsjón með kosningu í útvarpsráð og kjörstjóra
í Reykjavík, svo og öllum trúnaðarmönnum ríkisstjórnarinnar við kosningu
þessa, ber að láta kjörgögn öll sæta sömu varðveislu og önnur ábyrgðar- og
trúnaðarskjöl og gæta um framkvæmd kosningarinnar, varðveislu og skil kjör-
gagna fylstu árvekni, reglusemi og stundvísi.

23. gr.

Jafnskjótt sem hinn auglýsti kjörfrestur er liðinn, endursenda forstöðumenn
pósthúsa öll kjörgögn til skrifstofu ríkisútvarpsins í Reykjavík. Skulu atkvæða-

- 3 seðlar þeirra útvarpsnotenda, sem neytt hafa kosningarréttar, ásamt kjörskránni
 15. jan. áritaðri á fyrirskipaðan hátt, látið í einar umbúðir, en hinir ónotuðu seðlar sér. Síðan skulu öll kjörgögnin lätin í einar umbúðir, innsiglaðar og sendar í ábyrgðarpósti. Auk utanáskriftar til skrifstofu ríkisútvarpsins skal rita á póstsendingar þessar orðin: **Kosning í útvarpsráð.**

24. gr.

Bréfastofan í Reykjavík færir póstsendingar þessar við móttöku í sérstaka póstkvittunarbók og fær við afhendingu þeirra kvittun formanns kjörstjórnar eða umboðsmanns hans. Þegar talning atkvæða fer fram á kjörstjórn og umboðsmenn kjörlista aðgang að þessari póstkvittunarbók.

25. gr.

Þegar hinn auglýsti kjörfrestur er liðinn, ákveður kjörstjórn hæfilegan frest og eigi styttri en 3 vikur, til þess að kjörgögn fái komist til skila. Síðan auglýsir hún með, að minnsta kosti tveggja daga fyrirvara, um stað og stund, þegar talning atkvæða á að fara fram.

26. gr.

Við talningu atkvæða kveður kjörstjórn til aðstoðarmenn eftir samkomulagi. Heimilt er umboðsmönnum kjörlista að fylgjast með talningunni.

Talning atkvæða hefst með því, að póstsendingar eru bornar saman við póstkvittunarbók, sem um getur í 24. gr.

27. gr.

Talningin hefst með því, að innsigli hvernar póstsendingar er brotið. Kjörseðlar þeir, sem ekki hafa verið notaðir, skulu teknir frá og lagðir til hliðar.

Síðan skal bera umslög notaðra kjörseðla nákvæmlega saman við kjörskrár. Þarnaest skal bera þau saman við skrá ríkisútvarpsins yfir þá menn, sem ekki hafa greitt lögmælt gjöld til ríkisútvarpsins. Eru atkvæði þeirra ógild. Það teljast í reglugerð þessari vangreiðslur á lögmæltum gjöldum, ef ólokið er gjöldum eldri en frá áramótum síðustu, áður en talning fer fram.

Að þessu loknu, skulu umslög þeirra atkvæða, er til talningar koma opnuð, atkvæðaseðillinn dreginn úr hverju umslagi og látinn í atkvæðakassa nægilega stóran, til þess að rúma vel alla atkvæðaseðlana.

28. gr.

Gildir eru þeir atkvæðaseðlar, þar sem merkt er aðeins við einn lista. Ekki er seðill ógildur, þótt merkt sé viðar en á einum stað við sama lista eða annarsstaðar en við listabókstafinn, ef ekki þykir orka tvímælis um það, hvern lista kjósandinn hefir ætlað að kjósa.

29. gr.

Nú verður ágreiningur innan kjörstjórnarinnar um það, hvort atkvæðaseðill skuli metast gildur og ræður þá afl atkvæða úrslitum.

30. gr.

Þegar lokið er talningu atkvæða, eru talin saman atkvæði þau, er hver kjörlisti hefir hlotið. Fer þá um tölu kosinna manna af hverjum lista eftir venjulegum reglum um hlutfallskosningu hér á landi. Eru þeir kosnir í þeirri röð, sem þeir eru á listanum, enda hafa tilfærslur nafna og útstrikanir ekki áhrif á röðina.

31. gr.

Nú falla jöfn atkvæði á tvo eða fleiri kjörlista og ræður þá hlutkesti úrslitum.

32. gr.

Kæfur yfir kosningunni, sem berast kunna, sendir kjörstjórn ráðherra með rökstuddum tillögum til úrskurðar.

33. gr.

Atkvæði, sem berast kunna frá kjörstöðum, eftir að talningu atkvæða er lokið, skulu lögð óhreyfð með öðrum kjörgögnum í skjallasafn rikisins.

34. gr.

Formaður kjörstjórnar lýsir úrslitum kosningar. Þeir, sem kosningu hljóta teljast 1., 2. og 3. landkjörinn maður í útvarpsráð. Fer þá um varamenn eftir því sem fyrir er mælt í 6. gr. reglugerðar þessarar.

35. gr.

Að lokinni kosningu sendir kjörstjórnin kennslumálaráðuneytinu útskrift úr gerðabók kjörstjórnar með yfirlýsingu um það, hverjir séu réttkjörnir af hálfu útvarpsnotenda í útvarpsráð, samkv. úrslitum kosningarinnar.

Kennslumálaráðherra gefur síðan út skipunarbréf til handa hinum kjörnu mönnum til næstu fjögurra ára og ákveður þóknun þeirra fyrir störfin.

37. gr.

Nú hverfa frá störfum í útvarpsráði um stundarsakir eða að fullu aðalmaður á lista og sömuleiðis varamaður hans og tekur þá við störfum næsti aðalmaður af sama lista og svo koll af kolli.

38. gr.

Brot gegn ákvæðum reglugerðar þessarar varðar sektum frá kr. 50—500, nema þyngri refsing liggir við að lögum. Allir þeir menn, er hafa skulu umsjá með kosningu í útvarpsráð, samkvæmt reglugerð þessari, eru opinberir sýslunarmenn og varðar brot þeirra í starfinu, auk framangreindra refsíákvæða, við XIII. kapitula hinna almennu hegningarlaga.

Reglugerð þessi öðlast þegar gildi.

Þetta er hérmeð birt til eftirbreytni öllum þeim, er hlut eiga að máli.

Í kennslumálaráðuneytinu, 15. janúar 1935.

Haraldur Guðmundsson.

Gissur Bergsteinsson.